

繡刻玉環

記定本

目錄

- | | |
|------|------|
| 第一齣 | 副末開場 |
| 第二齣 | 約友赴選 |
| 第三齣 | 延賞慶壽 |
| 第四齣 | 考試諸儒 |
| 第五齣 | 玉簫嘆懷 |
| 第六齣 | 韋皋嫖衛 |
| 第七齣 | 賞妻訓女 |
| 第八齣 | 趕逐韋皋 |
| 第九齣 | 韋皋思憶 |
| 第十齣 | 皋謁延賞 |
| 第十一齣 | 玉簫寄真 |

第十二齣 延賞贅臯

第十三齣 玉簫女亡

第十四齣 韋臯延賓

第十五齣 富童譖非

第十六齣 范張別臯

第十七齣 韋臯別妻

第十八齣 克孝剽掠

第十九齣 韋遇克孝

第二十齣 朱泚侵唐

第二十一齣 李晟招賢

第二十二齣 祝香保父

第二十三齣 韋臯領兵

第二十四齣 提領央媒

第二十五齣 韋皋得眞

第二十六齣 逼女更夫

第二十七齣 韋皋榮行

第二十八齣 童兒暗毒

第二十九齣 韋皋代任

第三十齣 途遇韋皋

第三十一齣 韋回見張

第三十二齣 皋逢簫玉

第三十三齣 克孝檄泚

第三十四齣 繼娶團圓

玉環記

明 楊柔勝 著

第一齣 副末開場

〔滿庭慶宣和〕〔末上〕京兆韋皋才兼文武。不第秋場。雙亡父母。買笑遇平康。拜謁張公延賞。夫人相留作東牀。因好藝結交克孝。禍起蕭牆。家童譖怨生上下。夫婦各殊方。投奔令公李晟。用協力擒賊雲光。加封誥西川節度。合破鏡重會鴛鴦。因赴宴偶逢玉簫。兩世效鸞凰。

富童兒偷寒送暖。

張延賞恃貴輕賢。

韋鳳翔百年風月。

玉簫女兩世姻緣。

第二齣 約友赴選

〔珍珠簾〕〔生上〕明星有爛。翱翔舉猶淹旅。敬慎咸遵禮。懷寶肯迷邦。值此密雲不雨。夙興兼夜寐。待養就侵雲翰羽。廟器豈凡庸。肯爲蹉跎自棄。落落襟懷度。

量寬。清時未遇缺空彈。秋聲到枕。琴書潤。劍氣冲霄。星斗寒。氣吐虹霓。迷宇宙。淚和烟月滿江山。傷心兩眼英雄淚。倚偏西風十二闌。小生姓章名皋。字鳳翔。京兆遠安縣人氏。公公受五經博士。父母隨任之京。先父存日。有同窗兩個朋友。李晟張延賞。與我父親十分契合。今此二人俱任大權。小生幾欲拜謁。自思學疎才淺。恐起達官之慢。歷遊湖海。問友尋師。到處雖有講辨。無出皋之所見。暗合經書。小生懷經天緯地之才。受此黃蘗淡飯之苦。孫吳兵法。用舍行藏。孔孟經書。疑解惑辨。正是志不同。鈞月嚴陵。肯讓登壇韓信。小生近日寄居洛陽。相約幾位朋友。上京赴試。道猶未了。二位朋友早到。

〔率地錦檔〕〔淨末上〕槐黃秋早馬蹄忙。舉子相期入試場。才吞八斗氣軒昂。一躍龍門姓字香。〔末〕黃甲高標第一名。卻不是姓字香。〔淨〕甚麼東西把我打這一下。〔末〕大蒲鞭責罰人。這不是只打得一下。〔淨〕這一下好似天上打將來。〔末〕一聲霹靂從天響。卻不是天上打將來。〔淨〕你不說響字。萬事全休。你若說響字。計個譚耍。〔末〕如何說。〔淨〕我要個地下響。〔末〕三月氤氳水裏雷。這不是地下響。〔淨〕我要個東邊響。〔末〕八仙過海奏雲璈。這不是東邊響。〔淨〕

我要個西邊響。〔末〕瑤池宴樂會羣仙。這不是西邊響。〔淨〕我要個南邊響。〔末〕觀音出海水龍吟。這不是南邊響。〔淨〕我要個北邊響。〔末〕朔漠胡笳月下吹。這不是北邊響。〔淨〕我要個口裏響。〔末〕窗前時聽讀書聲。這不是口裏響。〔淨〕我要個手裏響。〔末〕夫子登壇謾撫琴。這不是手裏響。〔淨〕我要個肚裏響。〔末〕諱不過三。那裏有許多響。〔淨〕你道沒有肚裏響。〔末〕是沒有。〔淨〕我在一家喫了些淡酒。我口嘲四句。〔末〕願聞。〔淨〕汚耳。〔末〕不敢。〔淨〕降得詩魔與酒魔。終朝喫得醉顏酡。昨日鄰家酒酸淡。今朝肚裏似篩鑼。〔末〕前面有一位朋友。近前相見。〔見介生〕問友尋師講理明。〔末〕琢磨成器待宸京。〔淨〕十年窗下工夫到。〔合〕黃榜高標第一名。列位請了。

〔甘州歌〕〔生〕秋風太早。正槐黃於路。桂子香飄。關河迢遞。樂遊原上青霄。秦樓夜月只似初。楚館秋容不奈嬌。驚物候。愁路遙。鄰砧不住爲誰敲。〔合〕同獻策。來聖朝。不知誰奪殿前袍。

〔前腔〕〔末〕丹楓幾樹飄。見一行征鴈。嘹唳雲霄。岐亭雨霽。一望旅懷多少。寒枝揀盡鴉未棲。古渡將開潮正高。秋思爽。寒夜杳。誰家茅店寄今宵。〔合前〕

〔前腔〕〔淨〕羊腸路逕遙。嘆披星帶月。霜凜風號。殘霞落日。秋思轉添榮惱。疎林倒影羸馬倦。宿鳥投林行客焦。風漸急。月正高。照人離別恨無聊。〔合前〕

〔尾聲〕轉溪橋。臨山島。解衣沽酒共論文。同向名園奪錦袍。

馬遲心急路途窮。

身似浮萍類轉蓬。

只有都門樓上月。

照人離恨各西東。

第三齣 延賞慶壽

〔末上〕紅入桃花嫩。青歸柳色新。年年初度日。齊祝壽長生。自家乃張節度府中院子是也。今日乃老爺壽旦。整理筵席。與夫人小姐祝壽。只得在此伺候。若說俺老爺。威鎮三邊。名揚四海。正王佐才。真宰相器。旌旗豎而烟塵遠遁。鐵馬嘶而草寇潛奔。正是德化西川無與並。心存北闕有誰同。道尤未了。老爺早到。

〔菊花新〕〔外上〕秉節傳旌承聖寵。心存一點丹衷。民熙物阜歲時豐。三邊烽火息。四海受恩隆。定國安邦美丈夫。心存正道氣吞胡。謨謀國事如家事。運用陰符合虎符。風雨

順盜奸除。文修武偃樂無虞。盡將兵器爲農器。燈火千村犬吠無。下官西州節度使張延賞是也。奉命來守西蜀。且喜刑清政簡。盜息民安。賴吾皇之洪福。非老拙之才能。家眷百口。至親三人。夫人苗氏。秉希夷之藻鑑。小女瓊英。遵德耀之遺風。止因無子。他日招壻。以續后昆。今日乃吾初度。已曾分付院子安排筵席。完備未曾。院子那裏。〔末〕有。〔外〕分付你安排筵席。完備未曾。〔末〕完備多時。〔外〕與我請夫人小姐來。〔末〕夫人小姐有請。〔旦〕母親有請。〔旦丑同夫人上介〕

〔臨江仙〕〔老旦〕流鶯睨曉雨晴初。新筍成竿。乳燕將雛。〔旦丑〕年年初度切

新蒲紅瘦綠肥。無限歡娛。〔相見介外〕君恩似海浩無邊。但把丹心托上天。〔老旦〕自嘆無兒

承世業。喜今愛女正芳年。〔旦〕逢壽日。啟華筵。人生富貴是前緣。〔丑〕不如飲盡杯中酒。一滴何曾

到九泉。〔外〕夫人孩兒及笄。未諧伉儷。以此聖心。〔旦〕願爹爹母親壽年千歲。孩兒永侍親幃。侍奉

甘旨。不須多慮。〔外〕夫人桌子上放着甚麼東西。〔老旦〕老相公壽旦。妾身繡得一株松在此祝壽。

但願相公松柏同年。〔外〕多謝夫人。〔旦〕孩兒繡得幾根竹。願爹爹清節堅剛。〔外〕好好。孩兒生受

了。〔丑〕老爺壽旦。小玉繡得一枝梅在此間。願老爺爲國調羹。〔外〕夫人。虧那小玉。好好。〔丑〕老爺。

這兩個也不爲好。還有兩件好的。〔外〕那兩件好的。〔丑〕一隻鶴一個龜在此。〔外〕龜鶴怎麼說。

〔丑〕願老爺千年珠頂鶴。萬歲老烏龜。〔外〕萬歲綠毛龜。將酒過來。

〔山花子〕〔旦〕凌空挺翠蒼蒼秀。長生屹立巖岫。歲寒姿風霜傲久。永喬榮願同親壽。〔合〕大夫封秦王御手。年年此日同壽酒。蒼虬白鶴常廝守。松柏同榮。歲寒不朽。

〔前腔〕〔老旦〕虛心勁節清名舊。平安日報無憂。九嶷山班班尙留。湘靈悲憂鳴玉球。〔合〕翦狼班伶倫妙手。年年此日同壽酒。龍孫鳳侶常廝守。清節堅剛。歲寒不朽。

〔前腔〕〔丑〕西湖疎影黃昏後。暗香浮動清幽。展丹心調羹大手。鼎鼐臣盡來祝賀。〔合〕翦瓊花天孫妙手。年年此日同壽酒。羅浮姑射常廝守。爲國調羹。歲寒不朽。

〔前腔〕〔外〕葵心一點傾陽九。微軀此外何求。願皇圖千秋萬秋。永綿綿海屋。

添籌〔合〕絕狼烟干戈永休。年年此日同壽酒。松梅翠竹三益友。名節堅剛。歲寒不朽。

〔紅繡鞋〕〔衆〕蒼松鬱鬱清幽。清幽。翠柏修竹忘憂。忘憂。梅花酒。泛金甌。祝親壽。比山丘。祝親壽。比山丘。

〔前腔〕繁絃急管風流。風流。安邦定國良謀。良謀。烽火息。稻禾收。民樂業。盡優游。民樂業。盡優游。

〔尾聲〕清風明月樽前酒。治國齊家曠世謀。但願年年同勸酬。

畫錦堂前慶有餘。

不歡不樂待何如。

僊龜瑞鶴年年現。

共祝長生眉壽眉。

第四齣 考試諸儒

〔梨花兒〕〔丑扮試官未從上〕風流試官寬肚皮。渴時吸盡三江水。多少魚龍藏。在裏。到晚來肚裏相爭戲。〔末〕老爺爲何只喫水。〔丑〕做得清只喫水。〔末〕怎麼喫得這許多。

〔丑〕宰相肚裏好撐船。〔末〕難得三江水都喫在肚子裏罷。〔丑〕不是三江水。怎養得這許多魚龍。〔末〕好一位文墨老爺。〔丑〕不信看我臉上都是墨。〔末〕這是翰林秀氣。〔丑〕會答應上司。〔末〕不敢。左右。我今年試官。不比往年。必須與我搜檢得明白。方可放他入試。〔末〕理會得。赴試的秀才走動。

〔稱人心〕〔生上〕文修武偃。滿腹珠璣投獻。〔生末相見介〕通報進見禮儀如常。〔丑〕秀才

那裏人氏。姓甚名誰。〔生〕姓韋。名皋。京兆遠安縣人氏。〔丑〕手中甚麼書。〔生〕孫吳兵法。〔丑〕太平時節。要他何用。〔生〕居安慮危。爲儒不可不知。〔丑〕將上來看。〔末接遞介〕丑秀才你們起來。〔生起介〕丑看書介。我看這兵書。就如月暗觀天。那分東西南北。只是不用他便了。秀才過來。這兵書你可知否。〔生〕略知其意。〔丑〕既知道。我且問你這幾個陣勢。且如深林中藏兵。他那裏是熟路。初到。又不知去向。怎生取勝。〔生〕兵書云。征山多用斧。水戰多用船。行兵望生門。下營看黃道。立寨開道路。闖賊攻死門。平戰陣圖有八。〔丑〕那八。〔生〕有對敵奇正。將軍兵道百里者疲。減半者努力堅守。疾兵大勞。緩兵大驕。謨謀合縱。近交遠攻。智合天時。而將還用智信嚴勇仁爲本。務在變通。不在

執一〔丑〕你曉得用兵以智信嚴勇仁爲本。如何取勝。〔生〕此但爲將之本。取勝還有別法。〔丑〕且住。征山多用斧。用斧砍得木盡。不知賊人去了多少田地。吾聞古人云。百戰百勝。不如不戰。又道是加兵者不祥之兆。當初堯舜之時。不知看甚兵書。而得平治天下。〔生〕今有堯舜之君。而無堯舜之民。故有此法。〔丑〕那時還沒有。〔生〕還是未有。〔丑〕卻原是這廝胡說。要見強辨釋非。左右的。與我丫將出去。〔生〕但得五湖明月在。不愁無處下金鉤。

天下英雄似水流。

人人爭欲占鰲頭。

一時空用文章試。

落第還鄉滿面羞。

第五齣 玉簫嘆懷

〔虞美人〕〔貼上〕舞裙歌扇。到惹得人輕賤。花羞月妬煞風流。卻做一天離恨帳中愁。暮迎朝送何時了。往事傷多少。小樓昨夜又西風。怨雨愁雲錦帳中。雕鞍玉勒今何在。只廬朱顏改變。春兒問我幾多愁。卻是一江春水向東流。賤妾乃平康坊妓女玉簫是也。舞榭歌臺。做成門面。調脂弄粉。扮作生涯。恨生於此。不免倚門妝笑。以悲爲樂。和光同塵。日雖如此。夜則焚香告天。

願早早從良。不知甚時填滿琉璃井。那個收留烟月碑。賤妾身伴無人止。有一個春兒。頗知人事。不免叫他出來。閒話片時。卻不是好。春兒在那裏。

〔前腔〕〔丑上〕迎新送舊。枉添得腰肢瘦。銀箏常抱過街頭。人人爭笑。笑道我風流。姐姐萬福。〔貼〕春兒。你出來了。春兒。明月春常在。碧桃花漸稀。何時遇蕭史。同跨彩鸞飛。

〔丑〕姐姐。春兒生得奇哉。模樣眼絆嘴歪。除卻金剛帽子。脫卻石人草鞋。三年接得個孤老。昨宵會合。今日分開。〔貼〕春兒。怎麼這等情懷。〔丑〕姐姐。怪那子弟不得。看了我這般嘴臉。怎麼打動他的情懷。〔貼〕春兒。我與你雖說聰明伶俐。端的識重知輕。不幸爲人迷戀於此。暮迎朝送。何時是了。〔丑〕姐姐差了。我與你得一日。過一日。早上張風流。晚間李浪子。喫的是好酒好肉。穿的是好衣好服。夜夜不脫新郎。房中伴着情人共宿。有何不可。這般言語。你心上待要如何。〔貼〕春兒。我心上只要從良。〔丑笑介〕姐姐。那從良的有什麼好處。人家有三家公。六使頭。大的要湯。小的要水。那天殺的子弟。要取你時節。說得一團花錦。及取過門。又被大老婆喫醋熬酸。不記得隔壁王二姐從良去。被大老婆屎也都打出來了。〔貼〕春兒。休得閒說。聽我說與你知道。

〔傍妝臺〕捲簾吁。倚門獻笑落便宜。我羞把銀箏撥。嬾把玉簫吹。怕的是敲檀板。怕的是歌金縷。調脂弄粉。將人眼迷。荊榛枳棘。文鸞怎棲。幾時得齊眉舉案。做了好人妻。

〔前腔〕〔丑〕好心癡。我與你是門戶中呵。誰似你衣豐食足口頭肥。我與你帶的是金共寶。穿的是繡絨衣。伴的是風流客。到晚向牙牀睡。傳杯弄盞。知音品題。星前月下。青鸞共騎。好一似謫天仙子下瑤池。

〔前腔〕〔貼〕心中展轉自思維。我有如花容貌雪爲肌。怪脂粉污顏。嫌蜂蝶惹閒非。花香蕊嫩風流賞。月落秋殘玩客稀。調絃弄管。持觴舉盃。吟風詠月。朝東暮西。怎能勾真誠君子獻明珠。

〔前腔〕〔丑〕你忠言不聽見偏迷。卻不道人生那有百年期。但朝歡暮樂隨時過。管甚麼夜去明來無了時。綠珠碧玉。芳名已非。三貞九烈。題他怎的。自古道人世難逢開口笑。好花須插滿頭歸。〔貼〕春兒。分付你。今后但有志誠端重的子弟。着他進

來。有那等不識輕重的來。問卻他罷。

玉貌欺花賽月。

遭逢命蹇時乖。

若得塵囂脫去。

猶如枯木花開。

第六齣 章皋嫖院

〔菊花新〕〔生上〕十年牕下苦埋頭。玉石難分滿面羞。涇渭一同流。空咄咄氣沖牛斗。蛟龍豈是池中物。未遇風雲昇不得。書生斂手自成呆。問道風雲幾時來。

〔漁家傲〕儒冠豈誤身。不遇皆緣命。論賢才版築耕莘。從古有人危困。只恨父母亡離鄉井。舉目無親惟隻影。幾時得身上明廷。儘輸忠無人提掇。生靈。〔淨

上〕藝在鴻門且蕩遊。滿身贏得破儒裘。弟兄個個皆誇我。年去年來分子頭。自家不是別人。包知水是也。我一生詩書爛讀。專一打哄出些分子。喫些無錢酒。捱過歲月。念學生入儒林。賴讀書。怕作文。寫的字。上大人。讀的書。千字文。遮門戶。靠頭巾。輪歲考。央別人。若喫酒。占席尊。包分子。頗會聞。近日手中乏錢。口內欠酒。幸得有個京兆朋友章鳳翔。只爲秋場不第。悶悶在寓。此人乃是個風月好。

人。我這兩日無酒喫。不免哄他到院子裏耍一耍。圖個醉飽。多少是好。轉灣抹角。這裏就是他寓所。不免咳嗽他一聲。〔生〕是誰。〔淨〕是學生。〔生〕原來是包先生。請裏面坐。〔淨〕先生請。〔生〕學生小寓。先生請。〔淨〕章先生拜揖。〔生〕包先生拜揖。〔淨〕章兄一向少會。爲何在此自言自語。嘆嗟甚麼。〔生〕小生爲因秋場不第。在此嗟嘆。〔淨〕我只道爲着什麼。章兄功名之事。乃前生分定。愁他怎麼。只怕不得秀才。但入鬻門。定然大小有一個官做。你若不信。只聽我說。也不要讀書。喫些齋。延些壽。活得八九十歲。朝廷不許你衣錦食祿。壽官也有一個。〔生〕又來取笑。〔淨〕雖然如此說。還自要主張。〔生〕爲此心下不樂。〔淨〕章兄我和你俱是異鄉人。又沒個親戚在面前。倘然爲功名二字。愁悶成病。千金之軀。何人伏事。不免到院子裏或勾欄裏去樂一樂。消遣情懷。卻不是好。〔生〕花酒之市。乃君子不由。〔淨〕呀。章兄差矣。自古道詩酒且圖今日樂。功名休問幾時成。那些妓者。動不動吹彈歌舞。唱的唱。奉的奉。亦可消愁解悶。學生當陪。〔生〕既如此。煩老兄帶挈同去。〔淨〕當得待陪。老兄又一件。那妓者每能欺弱怕強。可將儒衣換了小衣。卻又又好。他見穿儒衣的不似嫖客。喫他看齋了。〔生〕是。謹領謹領。又一件。在那裏來相會先生。〔淨〕章兄。期在演樂廳相會。〔生〕領命。〔下淨〕這是